



鷄肋集

長樂郡
振鐸西
諸子也

訥菴鄭珞著

題下野夫山水 陳遵道所藏

春色醉瑤草鳥聲度花雨臨流契浴沂幽興何
能已

右春朝野趣

長風溪上來茶烟松下起一曲南薰吟雅懷淡
如水

右夏暑納涼

泉飛石厓暝木落江南秋浮雲與吾意終日同
悠悠

右秋日看雲

歲晚雲物古江空風雪寒非熊未有兆自理釣

鰲竿

右寒江獨釣

題何叔布捕魚圖

煙波寄遺迹風月諧予心得魚即沽酒一曲滄
浪吟

古離別

偶逢故鄉人寄書故鄉去妾家住洪塘門前兩
株樹

江上對月

江涵月影寒月照江水白一望萬里天蒼茫總
秋色

題梅竹扇寄戴弘齡

世態若浮雲吾心比明月贈君歲寒枝相期抱
冰雪

題朱漢傑小景四幅

雲歸石岩暝花落春山空觀泉不知晚長嘯凌
天風

習靜遠人境深依麋鹿群棋中得真趣萬事如
浮雲

翠壁霽秋雨溪雲澹將夕一曲龜山吟悠然楚
天碧

千山雪初罷，月色皎如素。扁舟興已闌，乘流獨歸去。

題蕭主事文小景 二幅

芳草寒雲古道夕，陽野寺疎鍾。試問山僧何事，漫遊直上廬峰。

入座雲山遠近，隔溪煙樹依稀。自得此中真趣，於焉日暮忘歸。

賜觀擊毬剪柳應制 永樂乙未端午

上苑分行殿旌旗，夾道開六軍。皆虎士萬馬，捻龍煤電逐星。毬迴花迎綵仗迴。

聖恩深似海，載筆幸趨陪。

又

佳節屆天中，宸遊上苑東。旌旗明瑞日，金鼓度晴風。柳外雙朋合，花邊萬騎雄。歡聲驚得雋，共荷聖恩洪。

慶成賜宴和黃約仲韵 永樂丁酉年

聖主嚴禋祀，臣僚慶禮成。九天頌德澤，萬國沐恩榮。韶樂隨風度，宮花帶露盈。故人同拜舞，扶醉到西清。

題玉田書室

高士遠世氛冥棲向幽靜松門鎖白雲石室疑
秋暝潛心探道源長嘯發清興何當躡遺蹤孤
琴候蘿逕

薊門九日

客裡逢佳節蕭條對酒盃獨憐黃菊秀誰遣白
衣來竊祿慚無補妨賢愧不才緬懷陶靖節南
望一徘徊

送陳昌運宰河源驛

落葉滿都城秋風送去旌故人千里別游子寸
心驚白鴈蠻天晚黃菊瘴雨晴河源雖地僻應

喜少逢迎

從軍行

虜騎臨邊檄將軍出柳營塵飛牙帳暗日照鉄
衣明夜月三秦道秋風萬里城何人吹玉笛一
聽一闋情

過居庸關

萬山皆壁立中道走羊腸地險由天設時清簡
戍防嶺雲飛旆濕澗水落花香駐馬思登眺孤
城閉夕陽

閩鄉寄亮姪兼呈舊社遊好

乘春遊陝洛客况自蕭疎薊北千山外閩南萬里餘竹林成遠別蓮社近何如未遂歸來願惟應寄素書

葦萼堂為易行人節賦

佳氣鬱蒼蒼花開繞畫堂鵲原分瑞色鴈陣對天香聽雨秋同被聯詩夜對床別來成遠夢春草滿池塘

洪熙元年正月十日

聖製詩曰

二麥望雪已三陽燮理平和致感傷君相菲德

承天命勉加加省格穹蒼

欽和

聖製天不兩雪

公卿燮理在陰陽雨雪愆期重可傷應致九重憂畎畝倦倦戒諭感蒼蒼

中秋對月

滿庭涼露滴梧桐萬里無雲一鑑空醉倚石林清不寐猶疑身在廣寒宮

背立美人圖

斜倚朱欄似惜春花容羞澁見風塵畫工用筆

非無意只恐傾城解恨人

竹枝詞

花開花落幾回春妾在江南君在秦
忍向江頭頻北望江頭多有別離人

梨關嶺

立馬梨峰第一關閩天南望是家山
客愁從此須分手好伴行人向北還

題王廷璧主事梅雪

風吹滕六滿江湘五出寒花正吐芳
何遜閣前珠弄影素安門外雪生香

題沈二胡羊圖

金華石上識初平北海南頭憶子卿
影落畫屏消息斷夕陽芳草尚含情

題漁村晚照

水繞芳村日欲斜半江殘照落蒹葭
數聲漁笛秋風外漸逐閒鷗近酒家

題敗荷鵲鴿二首

露下寒塘秋水清殘荷風細羽毛輕
最憐原上雙飛處渾似儂家好弟兄

蓮房露冷粉香沉若為雙飛弄好音
愧我鴈行

成未別幾回展卷獨傷心

題夏廸山水小景

鏡天落日萬山秋雲水微茫島嶼浮欲訪仙源
迷舊迹滿江烟雨一歸舟

題枯木竹石

湘靈夢斷湘雲夕涼葉蕭蕭瀉秋碧君山夜半
風雨來萬頃波中老龍泣

題傅主事祿翎毛四幅

海棠白頭

艷色籠香玉露浮錦葩煖映翠雲飛鳴長在

春風裡何事年來也白頭

石榴翠鳥

五月江南梅雨涼海榴花底羽毛香倦飛雖向
深叢隱夢繞雲霄萬里長

敗荷鵲鴿

殘荷踈葦晚霜清相喚相呼若弟兄日暮寒塘
秋色裡聲聲恁是急難情

竹梅凍雀

月落梁園雪未乾數枝梅萼映琅玕幽禽也負
清高節並立冬風傲歲寒

檀帽山雪後呈兵部崔侍郎 未樂甲辰孟

夏二十七日

四月胡天雪未乾同雲萬里白漫漫月臨虎帳
晴光薄風颭貂裘曙色寒尊酒對愁扁嶺北孤
舟飛夢剡溪灣願令一洗胡塵淨疋馬寧辭道
路難

賦得淮陰市送公望鄭先生之無為

路通南北接京華水繞重城十萬家楚戍日低
煙市散關門風細酒旗斜韓侯亭下誰屠狗漂
母祠前尚浣紗獨擁臯比經此地扁舟何異泛

仙槎

挽劉處士

御史黃叔父

白髮峨冠振士流百年心事付滄洲少微影落
吳天夕薤露歌傳鄧水秋三徑菊松虛舊約一川
風月憶清遊可堪矯首飛鳧路芳草寒雲滿地
愁

賦得鐵甕城送楊仲芳

南徐山色擁孤城千載猶傳鐵甕名三國爭雄
成往事六朝遺跡捻關情江流晚映樓臺影雉
蝶秋傳鼓角聲為報經行休吊古倚門久迓繡

衣榮

送黃資深得烟字

都門踈柳半含烟
粉署郎官動別筵
使節北回頻沐寵
扁舟南去勝登仙
廣川草色微霜後
吳苑砧聲落葉前
遙望金陵何處是
巍巍宮闕五雲邊

送盧質中分教韶州舊為縣令

歲晏分携思惘然
北風吹雪滿長川
一官振鐸辭京邑
萬里移家入海天
彭澤草荒陶令秫
杏花花落廣文韞
只今四海崇文治
好賦菁莪育

俊賢

題登瀛洲圖

功業輝煌藹盛唐
衣冠濟濟上岩廊
天空瀛海魚龍躍
春滿蓬萊雨露香
千載風雲逢泰運
九霄日月煥文光
惜無禮樂高謀斷
僅使當時頌少康

賦得仙霞關送人入閩

萬山迥與白雲齊
迢遞關城入望迷
樹繞驛亭春度客
月斜茆店夜聞雞
半空瀑布沾衣繡
夾道花香襯馬蹄
南望故園滄海上
滿懷詩景謾

留題

永樂甲辰元夕應制

瑞氣氤氳捧 紫宸時當佳節沐

恩新蓬壺月上午門曉寶炬花開萬樹春杖外

爐烟凝綵隊雲中仙樂奏韶鈞微臣愧乏涓埃

報願效嵩呼祝 聖神

春日退朝即事呈景宣諸知己

九重瑞日映丹楓劍珮鏘鏘出 帝宮雙闕晴

雲春色裡萬家烟樹曉寒中羽儀治化登鴻碩

維幹邊疆列鉅公淺薄自慚仍竊祿也隨鶴鷺

沐 恩同

換高處士 侍講毅之父

翰苑新封荷 寵恩兩楹夢覺謝塵氛安車誰

赴申公召賦鵬空悲賈誼文別墅琴尊虛夜月

故山猿鶴怨秋雲白楊風起淮南路薤露淒涼

不忍聞

李芳給事中友竹軒

長歌伐木想遺音別墅新開向竹林嶰谷春雲

迷鶴夢湘潭秋籟度龍吟歲寒共抱冰霜凜霄

漢偏承雨露深世道悠悠交道薄如何對此結

蘭金

賦得蕭關古道送嚴大赴甘肅

青年裘馬度蕭關沙草茫茫道路難
古戍日斜人去少晴川春盡雪初乾
天低墮樹烟塵淨月照邊城鼓角寒
盛世壯遊須買醉謾勞倚劍望樓蘭

聞四弟季訃

尋兄西泛劍溪舡應喪孤冤野水邊
捨為相親還有日誰知云別竟終天
夜燈風雨懷張禮春草池塘夢惠連
此恨欲消須瞑目一回南望一

潸然

賦得潞河新漲送朱主事勝還金華

潞渚烟波萬頃饒仙郎衣錦駕歸橈
乍疑淮海潮初滿還訝巴江雪盡消
聲起怒濤兼雨至光涵秋色接天遙
中流鼓楫吳歌發絕勝乘槎下赤霄

送郭仲樵

故國相逢思不窮朝來馬首又西東
十年入幕文名重萬里還家劍氣雄
海色曉迷吳苑樹潮聲夜起楚江風
班超才調終投筆不用臨期嘆

斷蓬

江文昭梅雪軒

芳菲都向歲寒推，獨有孤根冒雪開。
天女散花雲裡降，玉人振珮月中來。
香隨東閣清風遠，影逗西湖舞鶴迴。
幽絕超然塵世外，更於何處覓瑤臺。

送劉生文遜歸青田士行乃子誠意伯魯

孫

先朝文獻有餘芳，才子寧親上帝鄉。
方慰旅懷趨鯉席，又驚歸夢繞萱堂。
江帆影落青楓曉

籬菊生香白苧涼，父老若詢京國事

九重屢見進嘉祥，時進騶虞玄兔

送閩安鎮巡檢之京

南來司驗又三年，劍佩翩翩覲

九天螺渚草青尊，酒別龍門潮白片。
帆懸行衣曉濕梨關雨，驛騎秋經楚戍烟。
萍水相逢何以贈，醉來聊解繞朝鞭。
鎮有石刻龍門二字

送余朴齋僉事赴山西

法星光映五雲端，烏府新沾雨露寬。
驄馬重逢都下別，青山多向雪中看。
冰壺明月凝秋色，玉

斧飛霜帶曉寒晉地豺狼皆遁迹居民久待舊
衣冠

送陳克寧司務赴南京

北闕香烟滿繡衣獨乘驄馬向南歸薊門涼雨
鴻初度淮渚清霜葉盡飛別酒莫辭今日醉交
情應惜故人稀烏臺風月多清暇吟對鍾山靜
掩扉

送東勝衛經歷

南樂哦松已奏功又從東勝佐元戎攻文慣草
軍門檄撫劍長歌國士風雪霽薊天寒鴈下烏

啼煙樹曉烟空清時海內無烽警芳草平原獵
騎雄

送牟時彥省兄還蜀倫之弟

都門姜被暫成歡此日臨岐感二難在客每驚
鴻鴈斷還家應念鶴鴿寒巫山月曉玄猿嘯白
帝秋高落葉殘明到故園春正好池塘芳草夢
中看

送江教諭之南城

桂林蚤歲振蜚英教鐸于今屬老成心逐曉鍾
辭北闕夢隨陽鴈向南城杏壇花發春風早

泮水芹香化雨晴岐路一尊分手處寒蟬落葉
不勝情

鍾山疊翠送鄭復言卽中歸越

鍾阜由來勝槩雄巍巍獨奠大江東靈鍾王氣
開神句勢若盤龍繞帝宮雲外數峰青翠嶺雨
餘萬疊翠蒙茸仙卽畫錦經行日吟倚天風思
不窮

洛陽道中懷古

萋萋烟草滿芳洲一望蒼茫思不休文物幾隨
浮世改山河長是舊時秋北邙丘塚誰為主南

郭園林揔是愁獨有五賢餘澤在令人千載仰
風流

宿洛陽鍾樓與楊廣文宴

偶逐鍾聲到石林况逢胡瑗是知音一尊應
斯文會四牡偏驚奉使心洛下雲山臨組席祇
園花雨淨塵襟老僧愛客猶支遁相與坐
夜深

送鄧靈官歸茅山

蚤向蓬萊得秘傳茅山深處契真詮青牛每日
來城市白鶴乘春入洞天方外烟霞無限樂壺

中丹藥不知年相從欲問長生術曾著南華第
幾篇

送張宗璉寺丞

一騎凌寒析木津鄉園久別夢歸頻鸞封光煥
斯文重獸錦香沾雨露新孤棹夕陽淮浦晚亂
山殘雪楚江春南行到處皆詩境定有清吟寄
故人

賦得北固暝鍾初送陳六

北固山前欲繫舟鍾聲隱隱隔沙洲
鷺落葉驚離夢還帶寒潮感客愁
幾點漁燈瓜步晚數聲歸雁楚天秋
閩南回首三千里醉倚西風賦
遠遊

翰林院月試左掖聞鶯歌

蓬萊曙色寒蒼蒼萬戶劍珮朝明光
流鶯舞影度雙闕遙送春聲出建章
數聲總度五雲裡百轉還聞上林杪
宮柳沉沉九陌春禁鍾隱隱千家曉
因風遠近布春聲春聲裊裊如有情
不隨仙仗雲中散頻逐簫韶花外鳴
流音徃復斷還續睨睨綿蠻聽不足
初訝湘靈鼓素弦又疑秦女彈新曲
祗今海宇歌昇平九成正爾奏虞

廷岐陽尚未來儀鳳不但鶯聲獨可聽

過淵明宅

晨發小孤渚暮投潯陽郭緬懷彭澤翁愀然五
情熱策杖覓遺蹤空山見荒宅五柳摧西風三
徑已蕭索憶昔元興初先生負潛德豈無經濟
心當年事施設道存志不伸寧為五斗折翩然
賦歸來遂作山林客嗟哉義熙後詩酒聊自適
所以紫陽翁特書在方冊流風洒寰宇千載仰
清節

金臺別意送孫瑀分教潮陽

金臺昔日何壯哉千金購士皆英才祗今六龍
駐清蹕萬方豪傑爭趨陪孫君卓犖閩南俊十
載芸窗飽經訓三策曾陳董子言一官分教潮
陽郡臺下分携思惘然臺前折柳送離筵孤舟
明月三江路芳草斜陽萬里天韓亭風景還如
昨好挹清芬振鳴鐸座擁臯比樂有餘逢人休
嘆青氈薄

歌風臺送陳二赴淮安

扶蘇北去羸塵奔秋郊鬼母啼黃昏鴻門宴罷
范生卒皇皇帝業開乾坤南巡六蹕經鄉里呼

酒椎牛恣歌舞三侯慷慨泣數行耿耿雄詞照
千古當時意氣何壯哉今日飄零見古臺興亡
殊輒揔坏土焉知魂魄還歸來臺前水流朝復
暮臺下年年草如縷塵迹荒涼夕照中殘碑剝
落寒烟裡陳平有裔才且良明當倚劍過臺傍
好將竒策振家學不用登臨徒感傷

題劉士行蘇李泣別圖 誠意伯孫

胡天八月秋草黃北風吹沙天雨霜烟塵萬里
雙鬢白漢節豈肯須臾忘一身許國誓生死寧
較羝羊乳不乳羶寒雪凍斷鬣疆野火原頭熟
黃鼠故人裘馬何壯哉橫行來自單于臺平生
心事君自見執手執手空悲哀帛書忽報上林
喜遂持使節還

天子麒麟閣上畫畫開千古英風照青史

瑞應騶虞應制

乾坤開泰運日月煥文明至治起三代和風被
八絃堪輿凝瑞氣海嶽效休禎嘉貺因時出靈
虫應世生呈祥來上國託迹自滁城外稟西方
色中涵五緯精玄章非霧隱素質本天成濯濯
霜花絜彬彬墨彩輕寧同九鼎重還與四靈并

踐履懷仁義周旋協準繩德彰神化盛乎感
帝心誠今古嗟希見華夷播頌聲風雲千載會
雨露萬方榮淺薄慚無補嵩呼慶太平

題顏回會竹軒

顏君潇洒謝塵俗繞屋惟令種修竹萬竿直節
凌雲霄半畝繁陰絕煩燠嫩葉柔枝翠欲流橫
窓拂席清且幽綠雲藹藹湘潭暝蒼雪條條淇
澳秋水簾半捲棠陰靜對此鳴琴多逸興午夜
長空風雨來萬頃秋濤滿清聽湛露三時滴不
乾高堂六月生微寒玲瓏最得吟邊趣旖旎偏
宜醉裡看君不見名花異卉呈佳色一旦西風
盡摧折何如此竹無凋零歲晏相期抱冰雪

古意寄景著內翰

結髮叙綢繆金蘭有餘芳如何膠漆固一旦成
參商君行遼海上妾家閩海旁相去萬餘里各
在天一方君如海上雲隨風遠飄揚妾心如海
水滔滔一何長登山山有巔涉江江有梁思君
令人老秉情安可忘

賦得泗亭柳色送周仲器掌教常山

君不見泗水亭繁華已矣成凋零危基千載夕

陽裡惟見年年楊柳青淮天三月春已老楊柳
向人青更好秀色凝寒淡縷金長條鞞地濃於
草依依裊裊滿河橋積翠浮光露未消晴分酒
幔迷行騎暝拂青樓襯舞腰我昔西遊過淮甸
歌風臺下初飛霰彷彿隋堤兩裡看依稀霸岸
烟中見今朝折柳復臨岐送君此去重相思應
知柳下停舟日也似都門惜別時

重刊漢雋序

宋紹興間括蒼林鉞甫嘗撫班固漢史要語輯
爲一書名曰漢雋自序其意以行於世象山邑

庠舊有本本歲久湮蠹宣德六年某守四明亟
欲復刊以嘉惠學者郡事方殷因循未果今

上即位改元之四年秋 朝廷清明民安物阜

郡以無事於是求得善本重加校正廼鋟諸梓

以壽其傳庶林公纂集之勤不至泯沒而操觚

之士一覽之餘則班史八十萬言鈎玄提要包

括殆盡至於西漢之世二百年間上自廟堂下

及閭巷文獻之懿歷歷可考如探滄海而得珊

瑚伎其快適爲何如哉謂之咀嚼其味甘美無

窮信乎其爲奇書也然則是書之行其有裨於

學者格致之功豈淺哉

附鷄肋集跋

世寄堂成爰壽圖刻試昭勸典南涯子曰夫論世以迹襄事以政原化以心斯集之刻有以哉訥菴公之迹之政前人之述備矣惟茲鷄肋集固公手澤之遺而心聲之著者也是用錄附並刻以傳嗚呼閱斯集者因喙以考迹即事以觀政誦詞以徵心而公之德之業將世世其有永矣然則是集之刻有以哉乃若司教有規備載學宮刺明全稿克世德業

是皆心之著政之顯而迹之耀然者別錄以傳茲不復綴

于酉歲孟夏一日楚南涯趙維識

勅命 二道

皇帝勅諭寧波府知府鄭珞國家之政重在安民安民之方先擇守令朕臨御

以來孜孜夙夜保民爲心而比歲田里
之民鮮得其所究其所自蓋守令匪人
或恣肆貪刻剝削無厭或閤茸庸懦坐
視民患相爲蒙蔽默不以聞致下情不
得上通上澤不得下施令慎簡尔等付
以郡寄夫方千里之民安危皆係於尔

用體朕心以保養爲務必使其衣食有
資禮義有教而察其休戚均其徭役興
剷除弊一順民情允徒玩愒毋事苟簡
毋爲權勢所脇毋爲奸吏所欺允公差
官員人等有違法害民者即具實奏聞
所屬官員人等作奸害民尔就提下差

人鮮涼亦宜奉公循理始終不渝庶
副朕之委任欽哉故勅

全寶

宣德五年十二月初二日

皇帝勅諭寧波府知府鄭瑤爾受朝筵
郡寄當益國利民以副朕望比言民情

內一件欲聽民出海捕魚此雖有利於
民而不思洪武永樂年間倭夷頻歲登
岸恣肆劫掠皆由民人出海捕魚或誘
引其至或被其掠去以勢脅之俾同入
寇海濱之民被害甚矣我

皇祖太宗文皇帝深思遠慮故於永樂

十一年間令戶部禁約不許出海捕魚
是豈不欲利於民蓋灼知其利少而害
多也自是之後海濱寧靜民得安爲爾
今不能熟慮輒爲無知小人之言所惑
將來引寇害民誰任其責夫守令牧民
故當順其情亦當思其患而預防之若
只貪目前小利而不顧久遠之大計上
無益於國下有損於民豈智者之所爲
哉茲特遣勅諭爾自今務遵永樂十六
年禁例不許擅違以啓民患故勅

全寶

宣德六年九月十一日

御製招隱歌并序

賜寧波府知府鄭瑤

朕惟賢者致治之具肆即位以來屢詔有司
舉德行才智之士將與共圖治道然林泉巖
谷必有遠引而不輕出者朕夙夜念之不能
已已夫枉已求售非志士之本心而潔身獨
善豈聖賢之中道故嘗作招隱之歌欲使幽
遠之賢皆明朕志庶幾幡然有奮起者蓋昔
人嘗賦招隱矣彼其有激欲與俱去遯世遺
人一已之私朕之所懷天下之公題雖同而

志則異觀者亦亮予志焉耳卿等爲國重臣
同朕欣感宴樂之暇特示觀之夫舉賢爲國
人臣之忠其必有勉副斯意勿徒視爲空言
可也

吾觀天地化育功四序五行實任之軒轅堯舜
致熙皞亦有六相兼臯夔君臣共濟自徃古大
厦豈是一木爲况予涼薄資九五承大寶四海
之廣兆姓繁側席仁賢翼王道長林大澤高丘
巨壑豈無懷抱才德者蕭散幽閒樂其樂扣舷
清溪弄綠水結巢雲松招白鶴雲松蒼蒼白鶴

飛翠蘿搖曳春風時朝鏡黃獨夕茹紫芝放歌
考槃什吟咏梁甫詞如玉在璞韜其輝天之生
才將有爲豈使獨善而無施彼不輕施吾當致
之屢下求賢詔明珠寧無遺中夜有懷豈待旦
勞心咨求忘日晏嗟爾賢人何樂空谷有莘慚
然起馱畝傳巖何嘗終版築磻溪白首還膺揚
卧龍亦復興南陽旱歲人間望霖雨大川利涉
需舟航嗟爾賢人無爲徘徊石泉康鹿非爾伍
風雲天路爲爾開脫却芰荷衣挂在青崖隈翩
翩並駕蒲輪來黃金如山築高臺待爾爲咏臺

與萊母為令我悵望思難哉

宣德六年二月十五日

此

宣宗皇帝御製招隱歌也先曾仲大父訥菴公領
勅守寧波陛辭而出

帝念天下之遺賢在野乃賜此歌而以招賢之
意望先公于時同領歌者如肇慶知府四明王
瑩吉安知府陳本深蘇州知府况鍾也茲以世
寄堂作敢附及之

嘉靖丙申歲冬十月曾從孫威恭跋

保留郡主鄭公奏疏

巡按浙江監察御史張惠謹 奏為考察官員

事據寧波府鄞慈等縣里老錢童等連名狀告

開稱本府知府鄭珞宣德六年正月十八日

勅命到任以來宣明教化奸弊屏除理訟無冤

賦役均平今本官宣德八年二月二十六日聞

母喪丁憂告乞轉達復任以慰民望等因具告

到院除體訪相同外緣係保留官員事理未敢

擅便謹具奏 聞伏候 勅旨

Large stylized watermark or seal impression, possibly reading '圖書' (Library/Book).

銅川同濟書局藏

民國二十七年十月

